



Inuussutissanik immuup sukkuanik akoqanngitsunik pisariaqartitsisunut qanoq akikinnerulersitsisinnaanersugut pillugu misissuinissamik aallartitseqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Misissuinermi naatsorsorneqassaaq innersuussutit ataasiakkaat aningaasatigut inuiaqatigiinnut kinguneqassanersut.

(Inatsisartunut ilaasortaq Justus Hansen, Demokraatit)

Inatsisartunut ilaasortaq Justus Hansen, Demokraatit siullermik Partii Naleqqamiit qujaffigeruusppatsigit Inatsisartut aalajangiiffigisassaattut siunnersuuteqarnerninnut.

Inatsisartut suleriaasaanni § 33 naapertorlugu Inatsisartut aalajangiiffigisassaattut siunnersuutigaat immuup sukkuanik akoqanngitsunik, tassalu immuit lactosetaqanngitsut pisariaqartitsisunut qanoq akikinnerulersitsisinnaanersugut pillugu misisuisoqarnissaanik aallartitseqqullugit Naalackersuisut peqquneqarnissaanik siunnersuuteqarlutit.

Misissuinermi naammassinerani innersuussat ataasiakkaat aningaasatigut qanoq inuiaqatigiinnut kinguneqarlutillu akeqassanersut qulaajaaffigeqquneqarpoq.

Siunnersuuteqartoq ilumoorluinnarpoq isertorneqarsinnaanngitsoq kalaalerpassuit immuup sukkua amerlasuut sapermassuk, ilaatigut oqaatigineqarluni Kalaallit Nunatsinni innuttaasut 55 procentit missaaniittut immuup sukkua annerusumik minnerusumilluunniit sapertaraat.

Inuiaqatigiinni isorartuumi siammasissumillu najugaqarnerput pilersorneqarnitsinnut aammalu tupinnaannartumik nunani niuaqatigisatta akigititaanik akisunerujussuarnik akeqartitsinerput unamminartorujussuit ilagaat.

Tamannalu aamma Kalaallit Nunatsinni sapigaqartut immup sukkuinaaniunngitsoq, kisiannili aamma sukkortunut aammalu allatigut arlaatigut sapigalinnut nioqqutissat pisiarinqarsinnaasut killeqartarnerujussui illoqarfissuit anginerit avataani assorujussuaq ajornartorsiutaasartooq malunnarpoq. Pisisartut toqqagassaaleqisut pisiassaqaanngitsut uffa annertuumik pisariaqartitsigaluarlutik.

Taamaammat Partii Naleqqamiit isumaqarpugut sapigaqartut atugaat ataatsimut isigalugit aaqqiiniartoqartariaqartoq, aammalu misissuinnarani qanoq iliuusissamik pilersaarusiortoqartariaqarlunnersooq.

Partii Naleqqamiit oqaasisaagarput aammalu politikkikkut ilungersuutigilluinnakkatta ilagaat akit nunatsinni qaffasippallaarujussualersimaneri, tamakkulu sukumiisumik iliuuseqarfugalugit apparsarnissai qanoq iliuuseqarfigineqartariaqarlunnersut.



partii naleraq

Nuuk 17. okt. 2019

UPA 2019/58

Jens Napätök, Partii Naleraq

Taamaamat sapigalinnut immuup sukkuinaanuunngitsoq akit pillugit sukumiisumik sulisoqarnissaa tamaviaarutigiuartuuarput, aammalu siunnersuuteqarfigisarlutigu.

Siunnersuutit pitsaasorpssugaluartut ajoraluartumik sivitsorsaqqillugit ingerlaqqigatik ikkarluffeqartarlutik inissisittajoorneqarput.

Nunap inui pitsaanagerusumik akikinnerusumillu periarfissarsiorneqarnissaat pisariaqalivippoq ilumoorsinnaangilarmi selskabit aningaasaannaq sinneqartoorujussuarnissaannaq aallavigalugu nunap inui taakkulu atugaat pilliutigiuassagaat.

Atuisut sineriatinni nilliaateqartaraaluarput nioqqutissanik assigiinngitsunik amigaateqartarnerminni, tamakku pissutsit ilungersunartorujussuupput nioqqutissat akisoorujussuuginnaratik amigaateqarnerujussuaq atugaavallaaqaaq ila Kalaallit Nunatsinni iluarsisariallit taagugassagut amerlaqaat.

Nunatsinni atuisartut naalaarneqarnerulertariaqartut Partii Naleqqamiit isumaqarpugut Atuisut sinniisaat sionratigut sulilluarlutik sunniuteqarluarlutik siunnersuisarsimasut atuutileqqittariaqarput, tamanna Naalackersuisunut aammarluta kaammattuutigerusuppagut. Sumulluunniit attuumassuteqanngitsumik atuisut siunnersuisoqatigiivi pilerseqqitariaqarluinnalerput, atuisut tusaaneqarnerulertariaqarnerat aatsaat taama pisariaqartigaaq.

Nunatsinni nioqqutissat akiisa OECD-imi inuussutissat ulluinnarni atorneqakkajuttut naliginnaasumik akiisa agguaqatigiisinnerinut naleqqiullugu nunatsinni qaffasippallaarujussuarnerisa sumik tunngaveqarnerisut misissueqqullugit naalackersuisut peqquneqarnissaannik Inatsisartut aalajangiiffigisassaattut siunnersuut Partii Naleqqamiit saqqummiunnikuuarput Inatsisartuni tapersernejarlumik, taamatullu kingorna allannngortinngivillugu siunnersuut Siumut upernaq maj-ip aappaani saqqummiuteqqinnikuuaa inatsisartuni aammaarluni tapersersorneqaaqqilluni.

Misissuineq inatsisartut ukiakkut 2020-imi ataatsimiinerat nallertinnagu inatsisartunut Naalackersuisut saqqummiusseqquneqarlutik

Taamaamat Partii Naleqqamiit isumaqarpugut immup sukkuunik sapigallit kisimik pinnagit atuisartut ataatsimut isigalugit aammalu sapigaqartut tamarmik atugaat akigitatigullu atukkanut ilanngullugit Naalackersuisut suliarisariaqaraat Kalaallit Nunarput tamaat ataatsimut isigalugu iliuseqarnissamik toqqammaviusussamik.

Taamaamat siunnersuut ataasiinnarmut tunngaveqartoq tapersersunngilarput, kisiannili nioqqutissat ataatsimut isigalugit aaqqiisoqartariaqarpoq aammalu sapigallit ataasiakkaaginnaat isiginagit tamarmik ataatsimut illersorneqarnerullutik pitsaanagerusumik akikinnerusumillu aqqissuussiffiginissaat pingaartillugu perusunneruarput.



Nuuk 17. okt. 2019

UPA 2019/58

Jens Napätök, Partii Naleraq

Taamaammat Kalaallit Nunatsinni nioqqutissat akiisa OECD-imi inuussutissat ulluinnarni atorneqakkajuttut sapigaqartut pisariaqartitai ilanngullugit naliginnaasumik akiisa agguaqatigiissinnerinut naleqqiullugu Kalaallit Nunatsinni qaffasippallaarujussuarnerisa sunik tunngaveqarnerinik qulaajaanerit ataatsimut ingerlanneqarlutik misissorluareerlugit 2020-imi ukiakkut qanoq iliuusissanik suliaqartariaqartugut isumaqarpugut.

Qanoq iliuuseqartariaqarpugut aammalu Naalackersuisut neriuppugut misissuiinnaratik sukkut qanorlu arparsaasoqarsinnaasoq tikkuussilluarumaartut. Partii Naleqqamiit sukkut qanorlu iliuuseqartoqarsinnaanersoq saqqummiuttaarpagut isumagut ingerlatsinermi akitsorsaataasorujussuarnut apparsarneqarnissaanut periarfissaasinnaasut.

Partii Naleqqamiit isuamaqarpugut qanoq iliuuseqarnissaq piffissanngortoq, taamaammallu oqaloqataanissatsinnut aammalu akikinnerusumik nunap inui atugaqarnissaanut suleqataanerput ingerlaqqissaq immuup sukkuanik sapigaqartut kisimik pinnagit, sapigaqartut tamarmik eqqarsaatigalugit iliuuseqarnissaq pisariaqarmat, taamatullu atuisut Kalaallit Nunatsinni tamarmik eqqarsaatigalugit.

Taamatut Partii Naleqqamiit oqaaseqarluta ataasiakkaanuinaq iliuuseqaqqusineq apeqquserlutigu atuisut tamarmik iliuuseqarfiginissaat suliamut ingerlareersumut ilanngunneqarnissaat kissaatiginerullutigu siunnersuut una itigartipparput.